





石西集序

余嘗上稽往牒歷覽閎文漱芳澤於藝林振華
風於學圃其間英莛所結可昭著於必傳胥賴
來葉之賢能表揚於勿替所以潯陽處士邈往
烈以稱先康樂名侯賦高言以述祖而吾於石
西先生之集重有感焉先生韞奇志而未彰乘
潛修而弗耀南陽抱膝望梁父以長謠北掩移
家傲少陵而獨嘯擊酒餘之缶長聽歌烏棹花

下之舟時看放雀無義熙之情事而賦本於經
非天寶之亂離而詩堪作史計沈酣於韻府凡
五周星迨滅沒於塵籛又三甲子其玄孫天如
君謂奉先君之遺訓委在棘人乃以高祖之藏
書授諸棗氏借文章之力用展孝思任編輯之
勞仰成前烈又得叔定蛟門兩君子精心選訂
極意較讐俾百年之文澤與環谷而俱傳一代
之弘章偕槃菴而媲美曰觀止矣豈不懋哉獨

是先生當昭代之極盛值七子之方興俗尚華
卮時工鞏繡先生抗無求之節欲繼襄陽振獨
秀之音仍標正始其氣靜故詞博而昌其致高
故調清而越英華收於六代格調本自三唐倘
非天如君蒐輯於汲冢之餘掇拾於秦灰之後
則魯碑奇字將盡失於蝸涎而孔壁遺文且難
全其蠹簡將見百八十載不聞雅頌之聲豈止
三十餘年尚多殘缺之恨也哉天如君名宗豫

石西集卷之五
號武山以好禮能世其家用服官有聞於

國取先代遺稿刻汪氏家乘而石西先生則其高

祖云皆

康熙十八年十月豐南後學吳綺撰

石西集跋

先生之詩不始自壬子迄於甲申而詩之存止
於是中間凡三十三年前十八年又缺其三年
之詩後十五年僅得詩二年而已流傳殘闕不
可復收惜哉按先生壬子歲山居稿有自敘文
一首並年稿引及甲申稿卷面有至是年六十
七由此以考是先生自敘其稿之時蓋三十有
五矣前此之詩置而不敘者或亦欲自壬子始

乎此後雖缺畧散失亦難爲搜補但卽其存者而纂輯之亦足以見先生之詩之富矣已未冬族兄武山先生元孫也奉尊人士倩先生遺命欲刻而傳諸世苦煩重不能盡載屬余擇其精者存之十得二三計詩如千首分爲六卷詩雖有去畱遺落而歲次一仍其舊蓋不敢廢先生編年之意云

康熙己未長至同族後學耀麟叔定謹跋

石西先生傳

先生姓汪氏諱子祐字受夫別號石西世居祁西門父德育廩生蚤世母方氏孀居矢志以鞠之先生幼穎敏讀書一目十行下尤好吟詩先生有句云十五學吟追雅頌二十作賦凌相如蓋不虛也性豪邁不羈厭絕科舉之學不屑爲舅氏方西郭工詩善畫推擇名流八人爲詩社而先生與焉年最少而才又最高頃刻千言立就每遇美景樂事則招邀數子行觴無算醉後成詩恣壯高涼時露英雄本色當是時明肅皇在御號稱英主賢奸時亦並進而太阿獨握權無旁撓在位者咸救過不給故圭組之榮非其好也中葉倭寇江浙於新安有

震鄰之警廟堂命將出師征調不息先生雅負強弩射
潮之志陰符黃石亦頗殫究厥心而終於不試豈無見
哉厥後胡少保奏功海上死於讒海甸旣平而鳥盡弓
藏不能守少伯之誠先生嘗爲詩弔之亦可悲也用是
騁懷詩酒絕不以世慮撻寧窮年矻矻播遷靡定炊煙
不繼晏如也其詩自二十以至七十歲各一冊手題甲
子不紀年歲雖非效陶靖節之五柳藏名而亦仿嚴子
陵之六月垂釣或歌或泣人莫測其所懷來已乃典型
凋謝復結仁輔社同心六人而亦以漸銷亡晚益孤立
無徒欲招少年入社爲忘年友亦不果至卒高吟抑鬱
以死語云歡愉之詞難工窮愁之音易好豈先生謂耶

先生嚮慕張子房魯仲連嚴子陵之爲人故其志潔其
行高嶽嶽懷方殊有不可一世之意而終老衡泌亦無
詩詞賈禍之憂蓋其審處者然也喪亂之餘後裔武山
君奉先人遺命歸蒐厥稿得其半與環谷堯菴兩先生
集屬宗人叔定文學蛟門舍人論定之合刻行世先生
曠世之後而幸遇知者亦足慰夫生平之苦吟也矣先
生子孫振振嗣徽不乏曾孫中諱伯薦者明選貢未仕
其子武山君能輸家佐國顯名於時以發潛德之光云
論曰先生之爲人急友誼重然諾亡友汪草池素號能
詩懼其久而湮沒也爲之梓以傳此其義甚高豈可於
今人中求之哉先生詩至多凡國家之理亂桑梓之榮

粹以逮境遇之亨屯學問之進退一發之於詩說者以爲子美之詩史不是過也沉埋百餘年而後出而又逸其半使非附青雲之士亦烏能聲施後世哉長吉詩忌者百計毀之卒以顯文長詩得之於敗楮惡煤中詩之遇合無亦有時歟嗟乎難言之矣昔

康熙己未季夏之吉同里後學陳希昌撰

石西集自序

祐幼失怙又寡兄弟讀先人遺書習科舉之學然性疎散厭拘束十五甫志於詩雖學而未能也年踰躋而志逾曠嗜溪山之癖甘褐糲之娛窮幽弔古漱石枕流遂棄進取之業與世始相違矣歲己亥值內庭多艱貧弗自治奉母居於西郭舅氏之別館而舅氏志於詩者也乃相與參究討論迨五載而同志文會立焉卑市井苟營數罹忌侮復僑遷學劻以倚妻族兼聆絃誦孜孜晨夕未獲少寧歲茲兩改忝盟仁輔噫日月逝矣歲不我延其視先日之會於今又十年矣孔子曰不學詩無以言詩豈易言哉余不敢言也詩豈難言哉余固有言也

石西集自序
呂氏曰顏何人哉希之則是肯自棄與草木同腐而泯
沒世之名乎故曰繼往啓來舍斯人其誰歟敢僭言以
俟正於後之同志昔歲在壬子子祐自序

石西集編年引

山人素嗜詩不求聞達上慕漢魏晉宋之古風盛唐諸
家之律絕迄於濂洛風雅亦竊效之遯幽埋照幾二十
年入室登堂浪叨忝舉然闡微會與須賴精工據景攄
神得之行樂寡聞謏陋於道多妨棄德忌才尤所當儆
先民昭訓念念敢忘雖節履艱難數經僑徙紀時記事
罔敢少怠日月易邁恐委塗泥乃歷敘歲時爰備采考
石西山人自記

石西集目錄

卷一

詩

元日見曆懷和溪先生

游鳳山得煙字

郭西

春暮雨後

過胡子應新居十韻

病後西郊漫興

閉戶

生日遣懷

寄秣陵陳近衡經元

賢門兩節歌

秋懷

東山歌

感古十五韻

雪

答程西源表兄

暖日

百舌

同葉本靜泛舟得愁字

東郊待客不至

同王石龍酌西岡草舍

郭外訪友不遇

避暑謝氏園亭

去日行

感懷二首

吁嗟行

感寓貽同懷子

東溪酒樓歌

過霞塢訪黃芝山三首

登齊雲山

晏歲芝山至卽席漫成

早春漫興

山中

戚戚

寄郡城同游諸子

大夢行

約汪用中葉本靜郊外尋詩

近曙

陪程西源集東岡十韻

初夏山村

引興二首

義歌行

西莊貽田父

聞江關兵亂懷漢陽汪伯湖

夏日漫興五首

聞報

寄休寧汪子敬

西谷野人家

九日登儿來峰得霄字

暮

集洞元觀醉後登棲真巖

汪子吉歸自池陽過訪草堂

卷二

詩

雨

有懷簡諸子十五韻

晴郊

曉窗

絕句

南陌尋春

郭外

投老

復廖汝周

喜張雲谷道丈見訪

憶伯湖

山中

海寇篇

同汪東皇酌鄰溪草堂

偶題

餐侍老母兼述初志

夜半

村莊

暮

絕句四首

送子敬

有所思行

草堂遣悶兼寄王意菴太醫十六韻

獨酌

林居獨步忽憶黃山之約兼簡諸子

答意菴

七月三夜雷雨雹僑所東廡頽折歌

林下

早起遣懷十四韻

東郊小集贈周秀才

結鄰

堦下蒹葭盛放秋色滿庭

燈下示兩兒

歲暮行

宮怨五首

春日排悶二十韻兼寄河南竹菴兄誠夫淞東

西岡兄廉夫

絕句三首

僑所遣懷兼簡謝西麓妻叔十二韻

同諸弟姪西郊祭先翁塚散胙於麓

吳州歌二首

草閣

早秋雜興四首

寄吳門葉禹期

觀西郭舅所贈畫石西山居圖歌

郭外懷古

漫成四首

歲暮草堂述懷二十二韻

卷三

詩

對雨懷諸子

林臥簡廖汝周

絕句

春暮遣懷

絕句五首

郊望

東臺席上觀妓

遣懷五首

古意四首簡諸子

過善和里拜和溪先生墓

對酒寄淮揚黃芝山

謝耕雲歸自維揚

郭外

東門行

絕句三首

夏日二首

草閣暑夜有懷

秋日山村八首

移居

雜詩二首

雨

清明寓尼原同胡勿齋胡莊山對雨

初晴同諸子郊外

茅齋對雨遣興

八月一日社

漫成

無成簡諸子

卷四

詩

郊外初晴二首

絕句

避暑郭西亭圃

貧病

夏暮遣懷三首

絕句三首

早秋雜感四首

曉起遣懷

山中訪隱者

入谷

獨行

獲稻南郊

存沒口號四首

秋晴

杪秋有懷

歲暮

春日陪王石龍經博過先兄槃菴先生草堂先生已祀鄉賢母妻俱節婦

美泉池亭

重九

曉起

慕松別墅得風字

穀城漫興

歸度禾戍嶺寄李赤源

自美溪歸草堂漫興四首

偶懷

二十五日立春

人日

望中偶題

雜詩四首

午後蔣石屋至

獨往

茅莊

哭竹菴兄三首

過田家復尋溪寺

閒居喜鄰溪至

病起酌兩峰兄草堂

殘年雨夜雜感二首

卷五

詩

絕句五首

山寇篇

送友人之錢塘兼寄西岡兄兼夫

春日獨遊二首

汪村胡氏莊

立秋日草堂述懷二十四韻

愁羈二首寄諸生

秋望

歸來篇

遊青峽岡

偶題

秋暮西城晚眺

石西集目錄
九
晚霽獨坐

立冬草堂遣興

閏十月望後二日孫城生

示在學弟姪三首

移家就隱南阿

謁西山忠烈行祠

臘月朔日懷黃芝山

寒雨不出

雨峰兄歸自京師授安遠掌簿兼致胡台岡光

祿詩寄

歲云暮矣

正月一日

擬懷

園居郊陶

夏日郊陶

夏盡

秋入

早秋山中觀史有感四首

殘秋登石峰

四哀詩哭汪鄰溪

歲暮三首

雨後遣懷示諸生

送友人之吳越

寄黃芝山

行行且行樂篇

春日游東谷復過田家十六韻

同諸貴公子野亭觀妓

小閣對雨妻姪謝鳴甫至

首夏山居遣懷二十二韻兼貽門下談詩四子

徐龍川國光張學山子京
謝耕雲伯興黃樵谷本誠

過武山祖莊

偶興三首

東城觀漲

獨步庭下納涼

自釋

獨坐有懷

醉後憶山中人

寓感

小園二首

早秋山中漫興二十韻兼簡弟粹夫姪文卿仁

甫實甫

西隴穫早稻

水濱

過東松故址弔岳武穆王

初冬二首

高臥

長至

相從行

山居年盡示諸子

卷六

詩

山齋感古十二韻

名園

送友人入西川

坐雨

三月一日溪東

清明日美溪李黃岡見訪

林臯

芳園雅集限韻

有待

春暮謝春林至

同諸子游西池

雜詩三首

首夏田家

修景

雜興

燕東郭池館

深谷尋隱居三首

七月二十五日獲早稻南畝有序

八月

涼風

獨飲郊陶三首

送李生源少還美溪

醉吟

十月一日遣懷二十韻

古意

息駕行

早冬西山遣懷

搖落

過馬懷石端居室訪汪楚石

山行

郊西雪霽

復贈黃芝山

阻雪簡洞寥子

歲暮村莊絕句六首

立春前一日遣懷

元日

同程四石謝少泉野集

春日山居荅諸生

過村舍復集谷口

首夏遣懷有贈三首

月夜泛舟寺潭

寓感十首

南屏四章章五句

東墅訪隱者漫成三十三韻兼貽之

坐暑

早秋西館

今日行

倚杖

九日行

酒熟

卽事

殘秋郭外

漫成三首

寓館對雪寄樵雲斗東

歲除遣懷

卷七

賦

悼生賦

山居賦

登白石峰賦

春日登東山書院賦

復初賦

鄰溪草堂賦

漢江春夢賦

卷八

書

奉和溪先生書

與黃芝山書

祭文

祭叔姑黃孺人文

祭胡青丘文

石西集目錄終

石西集卷一

祁門汪子祐受夫著

同族後學耀麟叔定選輯
五世孫宗豫武山校梓

詩

壬子年計三十三首
選十三首

元日見曆懷和溪先生

首歲行新曆馳分忽憶翁物華仍不改雅愛孰能同
霰雪一春始文章眾口中玉梅驚老眼何日兆非熊

游鳳山得煙字

單袷尋南澣孤臺出翠巔兀屏迎塔寺逆浪見溪船
菜麥忙春事花城隱暮煙行吟一翹首徙倚思茫然

郭西

千峰行嵐煙半消遲日郭西酣尋遙煖樹百舌語不歇
芳園新桃晴逾嬌青春看山倒葛憤野店呼酒臨官橋
此景此生且領會玉人何處吹雲簫

春暮雨後

微雨曉來收峰雲青擁樓愛書不釋手得意懶梳頭地
潤莓苔合風恬燕雀幽倚欄覓春事花落一川愁

過胡子應新居十韻

結構緣岡曲幽淡見物情地偏猶種竹谷暖自鳴鶯草
碧榻前合松高簷外行德馨何僻陋幹蠱倍輝晶秘典
啟潛悟清詩樂晚成南州徐孺子甫里陸先生遜晦時

從戾經綸位不爭顏衰終蘊璧髮白任添莖空乏才知
忌棲遲道尙宏未須論葦堵會見聚時英

病後西郊漫興

三月風煙開景霽西郊力疾解新愁遙林霧散野帘出
古洞花明春晝幽冉冉遊絲晴自媚丁丁伐木意相求
未聞冀北息弓馬瘠土需徭何日休

閉戶

暑入關常闔貧羈病復仍息耕慚布穀紊几嫉青蠅櫪
驥猶防策霄鴻不畏矰北窓閒枕簟一息亦騫騰

生日遣懷

蒸雲低蘭臯溽雨颺不歇醜漱坐清曉百憂集倏忽日

石西集卷一
余度茲辰寥寥吝汨沒能事足糲蔬庸詎媚簪笏顧眷
悉心神居諸曠日月分陰不暫假皎然變種髮素履慎
潛淵蹈愆懷直突三尸徒彼曠一德豈余伐畢願企慈
幃悠思托清樾名教涵虛靈渺冥謝玄窟

寄秣陵陳近衡經元

烏帽曾勞駐錦韉青山無恙思依然秣陵憶別忽千里
官舍論心驚隔年奏賦想應鐫鳳闕逃名猶許檢雲篇
何時桂權遙相訊長笛一聲江月懸

賢門兩節歌

有序

伯母廖氏廿歲居孀撫孤兄禔配嫂胡氏兄充邑庠
屢試勿售著書倡道爲世大儒卒年四十無嗣姑婦

合志苦節兄入賢祠節經憲表晉江尤侯發政之始
特標茲扁遂作短歌以裨史氏

君不見滄海萬里楫可涉陡厓千仞梯能攀古人秉志
竟何負乃知造化融玄關瑩璧豈少玷勁栢敢虧節窮
達不爲道義乖死生甘作同心結先民垂懿訓綱常植
四維萬緒一大原微言百世師簞瓢造道樂不改柏舟
矢志端可待孰謂淳源久失真我家賢節今在在惇惇
寡母孤有兒兒賢母節婦扳隨偉哉著德信由已沒世
流光身不死

秋懷

涼飈鼓遙岑餘蒸淨幽園白日倏晷移蒼林驚濤翻佳

辰念往憾雅好期來敦美人迂多迷志士淡無言恬默
不解足蕭條還負暄融悟得自咀掀騰難爲奔翼翼括
囊盟栖栖草玄門違征跡可吝履窮節彌尊華顛效公
子穎脫慚平原冥霄翥脩翰卑啄寧須論

東山歌

奇峰岌業逶迤自東來衆壑盤環烟霧開韜英蘊秀萃
萬象馮城突兀凌孤臺何年真人際休景搜奇啟秘闢
靈境碧窓朱棋炫層厓萬戶千門送霞影左握白石右
負青蘿雙虹駕練閭峽揚波砧杵亂雲樹郊原疊綺羅
興來獨倚發長嘯俯郭澄凝真可眺白嶽天都望不孤
嵩高泰岱宛相肖百年勝事幾追尋挈榼論文到石林

達矣每懸塵外想悠然乃見天地心吁嗟乎東山東山
何崢嶸不有人文亘古誰能名願言造化間世出奇偉
直與鴻蒙玄漠同亨貞

感古十五韻

秋旻懸淑霽隱几動遐思大道雲篇著流光歲事移俗
嬰寧遠趾德服可常師祗解依名教何勞問魍魎錦軒
猶駕鶴羽節不占羆栢勁蘿逾弱峯孤壑自卑淳源貞
固直大任益饑疲獨夜燃藜杖空山倒接巖高名童穉
頌天祿卯金私浩蕩表恬靜蕭疎存偉奇敢期花放筆
每憶草生池寂寂岩巒古皇皇聖化熙欲齊憐達哲獨
往慨支離漫倚窮厓嘯徒增失路悲素琴聊用適皓首

締鍾期

癸丑年計四十一首
選二十首

雪

北風猶結凍南雪久封途
啄案躍饑雀號林愁老鳥
僵眠應作癖三顧孰云迂
萬象冰壺裏扁舟興欲徂

答程西源表兄

二月山城春尙早連朝裏足對寒雲愁
驚變候苦多雨思入新詩喜見君
浪暖杏桃知有約機忘鷗鷺自爲群
西源去郭無崎路樽酒何時得共分

暖日

霞峰凝旭霽暖日到山房
展帙魚行字開窓竹蒲床久

眠貽酒債多病驗醫方懶出違時好
長歌自楚狂

百舌

百舌翻新柳春條柔不勝囀音何太巧
聒耳似招憎目着雖無色時因亦有能
東風難獨挽軒檻久勞馮

同葉本靜泛舟得愁字

青春何處償奇遊背郭晴波好泛舟
不分岸桃酣媚態肯教汀草喚新愁
竈床乃識陸甫里竹屋還憐元丹丘
莫向斜陽賦歸去機忘鷗鷺復相求

東郊待客不至

和風扇瑤林春鳥啼不歇川流閒遡迥
岫雲遙興沒注目宵心期參辰違
倏忽得非滯猝疴無乃肆佻滑諾輕

歡弗償有生役徒竭窮達秉元胎庸詎越繼髮矜迷畏
物華淹遲費日月延佇起長嘆逸騁俟明發

同王石龍酌西岡草舍

細草軟侵席遙峰青入巵濕雲迎旭暖歌鳥下簷遲懶
已輕朱紱窮應念白眉長酣謝時好意外任多岐

郭外訪友不遇

郭外高林日欲斜鷗浮野水兩三家轉枝白鳥招黃鳥
疊圃紅花亂紫花布袷數來曾識犬陽春不妒盡抽芽
主人何事縈愁思竹裏空勞駐鹿車

避暑謝氏園亭

一徑縈迴入翠陂謝家亭臺東溪湄葵花榴花火爛熳

梧葉柳葉青參差石榻棲雲暑不到冰盤碎玉盃行遲
解衣跣足散煩跼日暮還聽歌接躡

去日行

來日何短去日何長登高望遠海八荒俱茫茫安得長
繩繫日於扶桑坐觀六螭之徬徨夸父竭立機鄧林表
遺杖徒懷古景心千秋激頽響雨暘被芳苑行樂從爲
媒歲月任馳騫不放掌中盃白雲片片閒來往青鳥翩
翩托遐想古道封丘盡白楊銅駝金谷委草莽不罄今
日樂徒增去日悲百年一寤寐利祿胡多岐元真肯爲
三尸斲皓首毋慚榮啟期

感懷二首

捲帙行涼樹移樽對雨花肯沾懷匱玉終棄畏匏瓜夙
分依黃獨何人泣白麻趨庭兒失學停立一長嗟
梅熟村村雨楊垂面面風有生慚璞士何處覓壺翁獨
善由居易全初遂養蒙加餐庸報主尙事振頽風

吁嗟行

白日欲沒青峰孤川雲蒼蒼芝逕蕪長安小兒鬪狗馬
千金一擲笑呼盧閉關謝形態緘口還生嗔宣尼欲無
言何述三千人不灑途窮淚寧辜席上珍子休不作李
耳死茫茫終古疇爲鄰吁嗟乎龍不可攀虎不可騎八
荒皇皇從所之首陽箕頽亦寂寞且辭榮辱依糟醕

感寓貽同懷子

薛燭久辭術神功泣湛盧漫漫千載後精僞混泥塗是
以羊裘翁不與侯鄧俱上德肯受垢奧言每慎樞乃知
象帝先應爲達士謨栖栖同懷子共醉商山壚

東溪酒樓歌

誰家架樓東溪濱高秋釀熟馨且醇青如竹葉白如銀
賡歌賽矢不得醉排憂消渴寧論巡水竹淡相迓波鷗
閒自來歡提如意舞一笑酡顏開邇來缺歲無麟鳳百
役遑遑渾大夢南村北村苦索需大兒小兒耽玩弄白
髮欲添鬢黃花復照顏紫芝懶補袞青牛從出關但令
時時拚醉此樓間洗盃倚檻聽潺湲

過霞塢訪黃芝山三首

石西集卷一
青山如郭郭鳴禽幽相關杖藜媚清秋曠望還躋攀
駐形骸外聊棲風林間稅駕命歸僕盤桓白日閒
白日閒且永橫岡坦復遙芳辰悵叵畱良朋欣見招渴
吸石罇髓清聆松頂潮坐對淡無言悠然忘煩囂
煩囂久已辭嘉盟茲可償文筵列席羞雲芝擅寒芳皎
皎白玉姿翩翩青蘿裳爲君進百觴醉浴丹霞光

登齊雲山

蹇驢不負清秋興百里來尋白嶽山谷口人家開野市
巖頭帝闕列僊班珠厓濺雨潭雲靜石磴遮柵風洞閒
欲啓玄關探羽蛻紫霄鐘磬萬峰間
晏歲芝山至卽席漫成

志士久要在高筵接劇談雨聲行碧樹霜味破黃柑德
晉子從益醒迷余獨慚未須論否達晏歲且停驂

甲寅年

計五十一首
選二十六首

早春漫興

高眠日日倒山樽避客經年閉竹門海上鉞旄思赤芾
城中煙雨度黃昏誰憐孺子南州榻自是先生獨樂園
喬木暖回風習習鶯聲昨夜到層軒

山中

古洞逼寒霄潭蛟守玉橋奕應遲羽客柯不爛凡樵石
鍛爐存火泉分月印瓢臨風岸霞幘世路敢云招

戚戚

戚戚念孟蛇紛紛閔角蝸涕應流賈傅辯已惑田巴魯
道誰歌杏秦人欲種瓜永懷農圃願高臥吸明霞

寄郡城同游諸子

話別寒燈歲欲徂歸來韞匱敢云沽看山獨步還依杖
對酒長歌不計壺一夜著書頭盡白經年謝客病應蘇
相思日日君知否雲嶽天都爲剪蕪

大夢行

東風吹花春晝長川雲蕩日晶浮光鳴簫撾鼓進霞觴
美人不來空斷腸腸斷復腸斷相思重相思巫山神女
意已許回首高唐生別離生別離從落魄冠絕纓裘帶
索縱步躡飛塵高歌震九垓與來過不得笑殺世間人

君不見螻蛄無春秋朝菌謝晦朔宇宙一空囊大夢誰
先覺還當凌越三山憇五嶽駕海嶠醒浮生春光美人
亦凋瘁相將泰清之上行

約汪用中葉本靜郊外尋詩

韜光群情疎鮑吟百務廢恬默階虛明躁碌胎曖昧景
且念孳孳腔切別洞礙是以盈壤間析聚各緣隊不有
拔萃跡幽蘭覆蕭穢竹林如可求將詩訂名輩

近曙

默度翻多事宵眠亦覺慵宿醒思吸茗迎曙喜聞鐘省
候頻驚婦栽培欲按農啓窓岩月近涼露滴簷松

陪程西源集東岡十韻

百畝平岡外崇臺古道邊午雲蒸首夏森樹淨芳筵席
逼玉厓近窓橫螺水偏藪花殘覆綺灘石亂浮錢苔臥
褥初抹鶯嬌林已遷美人春渥盞上客錦濡箋索句唾
珠玉徵歌移管絃不須攀歲月豈解弔幽燕適意盟孤
嘯淹時寄一廛敢辭酣暮日還擬問龜年

初夏山村

山村初賽夏茅屋亦迎賓俗嗇趨承簡情多叫笑頻綠
沉苔席潤紅綻藥欄新俗冗悲塵網風高愧野人

引興二首

白水浮堦翠幄開南風吹雨上琴臺貧而樂道有恒性
醉不求醒莫放盃來者可追曾解綬空言何補且銜枚

扁舟忽引滄浪興載鶴尋僧日幾迴
庭樹遮陰苔砌涼興來跣足卸衣裳向人好鳥坐枝語
含露幽花當院香自信南金能作祟誰憐獄劍未摧芒
愴惶世路豈須問翹首長吟窺大荒

義歌行

珍羞玉盤羅俊雄華堂袞袞生豪風放歌彈劍震八表
揚眉吐氣酖顏紅慕義復憐才締心應剖腹貴傲漢武
皇貧知齊鮑叔忍教江夏棄福生厭聽淮南歌斗粟寥
寥千古起長嗟黃金白璧委泥沙仲連耻與嬴秦帝漢
將肯屬阿瞞家餓拾首陽蕨閒鋤青門瓜丈夫壯志未
可擬平生矢願死知己北鄉送信陵西行報太子乃知

然諾重丘山取義舍生輕等閒輕等閒髮上指白日青天着此身當時亦謂尋常人

西莊貽田父

雨散西原霧滿溪柴門迓客午鴉啼林間六月全無暑屋上層厓復可梯接畛稻花秋有待盤渦鷗鷺性都迷此行不是事營覓且貰村醪爲割鷄

聞江關兵亂懷漢陽汪伯渚

江浦炎雲集成樓羽書金鼓幾時休憐兄老矣猶爲客愧我愚哉肯覓侯南楚豈容鷗鷺社北山何負木苓秋渴懷相憶不相見饒睡昏昏欲白頭

夏日漫興五首

夜短晝宜睡峰盤日始高漫庭交細草遮樹綻新桃厭世欲飛鳥何人可贈刀閉關游靜業暫息拜迎勞用拙貧無諂神交藝許專地偏堪網雀心遠獨聞蟬語服三緘謹盧思一擲先直愁容易老穎脫及茲年中年性不羈一日席頻移婦爲置醇酒兒從歌古詩鹿門龐老宅瀛海董生帷命駕如相問冰盤獻玉芝補過樂聞過矜能捐已能人皆迷燕石我獨悟螢燈尾附艱如是鱗批幸未曾平生志淵漢白眼笑筌矰風林事事幽拽履懶梳頭室有效陶甕門非訪戴舟瓦盆分月茗湘簟枕寒流去住形骸外心期托海鷗

聞報

海表蒼生久乞師元戎東下耀旌旗孤城去國四千里
野老吞聲十二時仗鉞卽看成廟算殊恩何日問瘡痍
金風好奏俘□凱聖主猶懸宵旰思

寄休寧汪子敬

玉露丹楓秋滿川石田茅屋思依然山樓喚酒宛昨日
旅館論詩驚隔年偃蹇久懸高士榻蹉跎空對太玄篇
心期百里如相訊過懶於今欲學禪

西谷野人家

風厓石瀑懸碧樹午叅天駕視曲踰澗卷阿深鑿田力
耕無棄土慳食亦豐年最喜能畱客盤餐復進鮮

九日登几來峰得霄字

重陽何處一臨眺几來之峰高出霄可無白墮酬知已
况有黃花破寂寥逐水樓臺涵遠日凌空鶴鶴馭晴飈
干戈滿眼催遲暮直北寒雲入夢遙

暮

柴門落木送斜暉九月凌寒尙布衣老我半生因識字
向人終日說玄機星臨草閣更初轉月浸陂塘籟亦微
萬境寂寥喧已息形勞真覺去來非

集洞元觀醉後登樓真巖

青山有分憶曾來邂逅相投笑口開竹色近分高士座
鐘聲忽送老君臺準叅道德頻揮塵勘破塵機數舉盃
醉倚古岩追往跡懶雲疎木一徘徊

汪子吉歸自池陽過訪草堂

青春送爾尋芳潏此日歸來欲暮秋江上九峰傳好句
林間野客散新愁幽盟肯負看花盞浪跡還期載鶴舟
歲事蕭條窮莫問山堂意氣且相求

石西集卷一終

石西集卷二

祁門汪子祐受夫著

同族後學耀麟叔定選輯
五世孫宗豫武山校梓

詩

乙卯年

計六十八首
選十七首

雨

海路干戈滿春城寒雨多此生甘薄劣好景惜蹉跎懶
作希□夢饑從甯戚歌碧雲封杖屨幽事竟如何

有懷簡諸子十五韻

石墅雨方散苔堦濕未收錦雲開玉岫瑞氣滿山樓綽
綽野人分紛紛王事憂四翁元傲漢八士已鳴周佐聖

仗黃閣諸公閒白頭不須論砥柱祇合戀青丘地隙可
移竹江寒何挂裘幾應埋醉癖還擬托真休步要馮高
着才猶忌暗投義懸吳子劍貧乞范生舟古道每如此
浮生能解不敢嗔頑擬石猶幸拙同鳩梗跡從皆是葵
心未易求柳條春日近鶯意上林幽淑景如堪假嘉盟
訂舊遊

晴郊

每愁風雨迷芳躅故向郊垌踏野晴戀日小花纔半樹
遷林幽鳥亦多聲青青隴麥催農務白白溪雲帶石城
自信此生存用拙殊方汗馬敢論兵

曉窗

曙色霑梅蕊寒陰束柳絲夢恬春臥穩嵐近日生遲屢
空何妨餒淡藏自愛痴小窗閒古帙吟酌不須期

絕句

去去孤雲渺大荒紛紛紅雨日初長門前柳樹高百尺
喜鵲慈鴉集不妨

南陌尋春

陌上行雲挽綠絲溪頭呼酒席頻移機忘白鳥閒爲社
樂在青山卽是詩活水軟汀舟泛泛浮英嫩蕊午遲遲
風塵荏苒紛槐夢短鋪長鏡任所之

郭外

清流碧渚隱黃沙午樹陰陰郭外斜石巘走雷晴欲雨

山田足水晝鳴蛙聊將樂事酬生事不爲年華減物華
短笛一聲煙霧裡竹林新釀有漁家

投老

黃金白璧豈良圖皂帽青鞋德未孤世不可爲斯遜矣
書能足用肯窮乎東山有分留安石細柳何年起亞夫
梧竹滿庭風日永陰符寶籙懶支吾

復廖汝周

愛爾千峰裡高眠得避諠鶴鳴君復宅秋入辟疆園卻
俗數移竹忘憂多種萱新詩勞記憶掃榻待重論

喜張雲谷道丈見訪

千里神期憐邂逅相看一笑已忘身溪山着我老三友

海嶽如公今幾人阮籍此生真可哭長卿多病未爲貧
青袍白幘將奇事小權輕輿發興新

憶伯湖

汀漢遙傳買桂舟知君夙志擅風流山中閉戶雨連雨
客裡耽吟秋復秋青簡漫成千里夢白頭爭爲一身謀
高朋滿座還憐汝菰芡魚鰕入饌幽

山中

薜衣探洞谷芹菽薦山庖鑿澗順泉性培松固鶴巢野
吟卑俗網幽意作貧交石髓如堪鍛攜家願結茅

海寇篇

赤雲捲濤滄溟枯長風一夜飛舳艫東南殺氣擁城隅

不西集卷二
三
愴惶黎庶相號呼，煙烽漲天集饑逋。胥靡士女其囚殍，
國家海防亦不疎。胡乃直走如平途，臨風駭顧生悲吁。
蟬貂虎綬今有無，元戎萬金募死夫。樓船炫燿下三吳，
田丁市賈將矛弧。經年尸素胡爲乎，饑疲相仍田廬蕪。
坐令財賦空南都，野郭膏腴捐牧芻。白晝青天號無辜，
書生何日鳴陰符。旄頭蝕滅騰昆吾，躬行帝伐殲鼠狐。
瘡痍延頸待來蘇，瘡痍延頸待來蘇。

同汪東皇酌鄰溪草堂

有客來自郡城東，茅堂開筵羅豪雄。黃英欲破石邊菊，
碧葉亂鳴岡上楓。秋色染袍拭礪劍，酒酣吐氣凌冥鴻。
形忘盤礴坐終日，白眼誰憐高士風。

偶題

久閒空用拙，長愛醉顏酡。雁跡天涯迴，鷄聲枕上多。懶
雲涵勁竹，細雨剪寒蘿。閉戶經年寂，無勞荷蕢過。

餐侍老母兼述初志

大父世隱德，先君身束儒。安遺百有年，禮義躬相須。嗟
余甫臨髻，何怙傷羅孤。垂堂賴慈恃，徬徨勞胤圖。每懼
歲月徂，徒增盲聾吁。圖書眼已空，名教群未殊。青紫棄
初志，騷風醒後愚。中歲若不遭，屏凌棲山隅。附聖逾克
念，味道轉疎迂。茅堂坐日晡，燒燈鄰寒爐。粥蔬亦牲鼎，
餐侍忘饑飭。旣已開慈顏，兼能集幼娛。淹遲眷天樂，恬
息辭役拘。名下豈虛榮，善餘無修途。三恩敢終負，還當

竭微軀

夜半

夜半風聲寒破夢攬衣拄杖步蒼林隴頭小月欲隱樹
溪上誰家仍搗砧黑首爲儒瞻北極白雲無跡伴孤吟
幽期更憶千峰裡荷鋪誅茅何日心

丙辰年

計六十六首
選二十首

村莊

入村雙澗合遮磴一峰橫老樹有新蕊幽禽無惡聲柴
扉迎日暖稚子曝春晴瓦缶嘗麤糲遺安了此生

暮

病入春常雨林寒暮隱笳苦罹慈母棄哀伴乳鳥斜不

醉非無酒多愁怕見花晚風淒更急頽謝惜芳華

絕句四首

嵐曙近淒淒巢鳥不住啼君居天極北我在石峰西
十日雨不收一川花盡落許多惜景心無奈風濤惡
薜荔巾頽垣朝陽吐遠峽紛紛生事多鄰舍惱鵝鴨
野老吞聲哭兒童蹴鞠歌悠悠避世者可奈衆誼何

送子敬

青陽促回馭浮英坐摧折軫懷愁不禁而子復爲別晨
曦行川原倏忽冗雲結流序駛隙駒暄寒易鷓鴣良晤
鍾玄默時榮忌濬哲各勉箕穎志永將崇蹇劣

有所思行

戶外縱橫走赤岐風前按劍笑支離孰云韞壁索高價
千古網維繫所思雲龍風虎遭不世白髮自與明王期
一生窮且癖四十不出門田巴苦好辨宣父寧無言義
皇不作久已矣大人結舌愚者誼洪濤闇霧遮白日五
雲何處是中原雛鳳集槁木空懸梧竹心鸞鳩媚芳華
紛紛攀榆林得之不得亦爾爾焦唇苦口胡鈞尋閉關
斯何爲自我一出處綿綿用不勤形役任齟齬野馬逐
斜暉一蕩將安歸薤上之露何易晞請君莫負薜蘿衣
草堂遣悶兼寄王意菴太醫十六韻

牢落祁雲曲飄零閭水濱每應儔木石敢謂出風塵雨
足村村瑞陽回樹樹新未須憐鬢鶴猶解結衣鶉不祿
豈爲拙能詩何謂貧人皆崇迅激我獨愛逡巡道畏浮
生秘狂來長者親討論明性分依止卜鄰仁碧醴元通
聖黃金實瘞身紛紛矜網利惻惻抱殊倫兄也各垂素
時兮志已申玄丹初熟鼎御劑早通神景際風雲會欣
辭要路津草茅逢宿願糲糶快昏晨錦里聯珠樹青山
老幅巾舜溪添水檻還擬共垂綸

獨酌

志士榮不遭愚生樂無極舉盃見真性群類失顏色捨
此將何之此外卽榛棘豈必懷多岐還應頌有德纍纍
復蕭蕭寧不抱惻惻

林居獨步忽憶黃山之約兼簡諸子

梧竹遮簷風滿樓孤吟猶自行林丘中年無聞豈足畏
一日不醉還生愁青瑣未應待玉漏白鷗有約浮滄洲
攜書欲問帝軒鼎三十六峰頭上頭

答意菴

木石空廊廟江湖入草堂晨門時久棄磬叟世多妨栢
苦有真節花殘無宿香素纓寧用濯祗自愛滄浪

七月三夜雷雨雹僑所東廡頽折歌

白帝司辰金令行千厓霹靂走雷聲黃昏黯雲臻作屯
倏忽風雨迎更鳴隘居賃僦俗已棄不剪茅茨行素志
棘壁藤簷頽未葺敢防漏濕失藩庇如何雨雹復縱橫
中庭剝落楹廡傾衝堦浪引蛟鼉舞閃架電掣圖書明
老妻襁褓幼女立大兒愴惶小兒泣瓶裡儲粟似有無
床下新流時出入吁嗟吾生胡乖離筋骨勞竭肌膚疲
茫茫空乏何所之四海一家尙可爲

林下

習靜觀無始虛堂納萬峰樹孤偏宿鶴雲懶不從龍石
室猶存奕桃源好避蹤一衾林臥穩高尙表疎慵

早起遣懷十四韻

啟曙醒群類浮光集四鄰鷄聲迎日歇草色上簾新出
穴蟻行字依欄魚近人紛紛輸鐵甲箇箇看黃巾少出
緣耽靜何憂豈認貧聖朝容蹇拙岐路絕交親不器椿
樗壽長閑竹鶴倫世人皆欲死吾道獨生春匍匐邯鄲

步驚曠越里顰陋哉何學圃固矣不言津季子卑妻嫂
宣尼重鳳麟眼前無棄物席上有遺珍拔俗名誰擅窮
經志自陳莫論千古恨應負百年身

東郊小集贈周秀才

郊外晴嵐一逕幽山亭文客故相求鷄聲近報連村午
樹意遙傳萬壑秋竹裡樽盤元自樂江干鐵甲不勝愁
殊才信已韜經濟好向東南駕鷁舟

結鄰

久伴青山結里仁山光淡迤白綸巾由來遜世多妨俗
自是斯文不濟貧碧醴欲謀終日醉黃花又見一年新
同遊數子今零替潦倒愁聞說鳳麟

堦下篇荳盛放秋色滿庭

居僑厄窮巷環堵豁洞明雖爲暴所驅抱恨亦云平棲
托嗜恬妥寒暑忘遷更隙土事營鋤新莖臨軒楹好風
秋氣歛參差丹蒼并嫩蕊旣絢媚豐實復綴盈敢應貪
粒粒聊爾悟生生涼蛩時入懷唧唧當窓鳴意飲不須
酣能吟還自賡端坐暢神思戶庭貽嘉盟

燈下示兩兒

貧乃士之常先民斯有言家承頗斲給胡爲苦營煩賢
聖雖云遐六經函大原三冬冀用足孳孳兢晨昏德旣
立元本功復探道門業傳志不墮眼見儒爲尊敬曰我
明哲幸爾非犬豚北風鼓寒帷燈意翻新痕固窮激節

概撫子知親恩掩卷三嘆息含悽念逾惇童稚毋初戕
萬趨歸一元

歲暮行

冥冥風雪深凜凜歲云徂百務逐荒涼潛修棄腐儒不
有拳埵群安知霄峰孤長吟震大荒一顧東鴻區察察
體盈虛玄玄用有無駛節信奔瀾壯年肯懷珠梅柳眷
神思敢緣導前驅

丁巳年

對七十一首
選二十六首

宮怨五首

淑氣洞房新鶯歌弄曉頻雲妝開寶鏡玉面照青春待
詔隨香輦承恩拜紫宸莫教桃李色空許百年身

錦袖團肢軟花鈿壓髮齊舞酣凝日暖歌徹遏雲低豈
謂君恩重翻成夢寐睽芳華易搖落風雨晚淒淒
璃燈虛夜夜彩線引朝朝寂寞愁難遣陽和律故遙花
神空作妒柳色未須嬌抱恨馮誰寫朱絃謾自調
戲蝶雙雙逐嬌花對對開片雲迷楚峽無夢到陽臺可
惜流光老徒生薄命哀御溝閒水意紅葉不爲媒
玉殿涵春早珠樓拜命深味傳宮署饌語報上林禽每
近看花節空懸戀主心殊恩終不顧愁愧白頭吟

春日排悶二十韻兼寄河南竹菴兄誠夫泐東西

岡兄廉夫

積雨驚時度分春較晷長獨眠通酒聖高咏味書香一

醉元從喪無醒世欲忘祁祁何贈蹉蹉自輝光冀北
還空馬湖南不覓羊箇中俱樂部此外卽殊方出匣刀
誰贈重囊璞固藏戈虛憐日轉鳥盡畏弓傷石髓真堪
鍛江濤未可量野人雖久棄吾道尙能匡池草春融潑
原鴿思渺茫斯文泉石癖畫舸水雲鄉達矣任情性愚
哉繩聖王霞蹤瞻駐屐玉唾憶浮觴豈必瞋眸白何勞
念髮黃人來聞切誨書就動遙將千里途俱坦長驅步
不妨隔年如瞬息多福諒寧康荆樹浮珠蕊鶯歌集碧
楊芳辰期耐覲何日促文裝

絕句三首

乳燕雙珠幕嬌花金畫闌韶光無限意故故惹人看

十日雨連綿馮欄祗自憐重門無過客愁絕白頭篇
久別勞魂夢相逢翻醉痴如何好顏色不似嫁君時

僑所遣懷兼簡謝西麓妻叔十二韻

細桃障下開名里古學宮傷寄草堂契戚幸鄰妻氏族
衣冠欣覩聖人鄉攜書析義貧相問下榻傾壺醉不妨
花鳥競時浮變態壁奎驚夜煥文光魑魍戶外塵從紊
聖學燈前念敢忘衆妙昔傳周柱史遺音今解漢中郎
經年性癖應時哂百韻吟成有客將敢謂幼安潛海表
欲同漁父話滄浪丈人厚辱瞻青眼吾道新承惠錦章
燕石每憐寒棄礫龍泉猶羨畫生芒鹽車豈肯奔騏驥
梧竹真知老鳳凰良晤會須扳杖履東風久已扇群芳

同諸弟姪西郊祭先翁塚散胙於麓

季春萃陽和西郊俟曉發子姓集翁娛峰巘表律萃陰
濃花欲空聲暖鳥不歇乘時興莫思有生敢忘野况
觸物情山英應靈骨歲事旣已薦胙餽羅清樾芳馨引
核肴鮮脆味芹蕨禮讓崇宿儀厲競戒明罰德隆廕遠
修精著存對越源源藉勉旃穆穆悚怠忽

吳州歌二首

畫舸藤輿簇綺羅吳儂猶唱竹枝歌愴惶胥靡驅狼狽
土校官軍奈若何

淮海嘉杭久用兵蘇松城下日縱橫五年革鬪空皮骨
白晝荒郊有鬼行

草閣

草閣隱疎簾蒼林散午煙時艱都學武俗譎總空眠萬
事只如此一閒非偶然南風清枕簟細雨熟梅天

早秋雜興四首

久渴待來蘇徒憐歲月徂金風迎白帝井葉墜青梧櫪
驥常思騁霄鷹肯受呼每韜經濟術不是畏窮途
碧散連林霧丹凝絕巘霞渡頭漁父艇谷口羽人家竹
意吟湘浦溪聲走若耶石田堪寄跡好種邵平瓜
窮吟時獨棄靜對意偏長阮醉豈爲溺杞憂徒自傷聖
言資日用吾道畏終藏戰伐何須問川原渺大荒
晴雨只芒履炎涼亦布袍豈甘韓信辱乃識子房高省

已存三畏傷時棄百勞大音誰領會孤嘯倚林臯

寄吳門葉禹期

一別五年徒潦倒窮愁忽忽鬢添絲典衣醉酒似昨日
秉燭看山應何時桂栢故園猶有夢煙花吳地總成詩
馮風致意南來雁畫舸相尋好訂期

觀西郭舅所贈畫石西山居圖歌

祁閭僻在萬山中逶迤西來多石峰石峰翠律俯厓谷
雲林掩映騰蒼龍山人世住此山麓編茅兀兀數椽屋
文章奕葉承德光唐宋以來推右族我生正值武皇餘
過眼會破萬卷書十五學詩遍頌雅二十作賦凌相如
履褐蔬糲不肯仕白日羲皇究極始舅氏念我古人流

繪圖題詩表崛起披圖圖固似味詩詩更奇石林茅屋
宛在茲輞川不足數桃源如有期大哉造化妙毫素隱
几忽忽走煙霧乃知庶類總玄虛自是浮生一幻寓焚
香三復不忍收毛骨竦栗神已投逝矣好手不再得長
風颼颼生暮愁

郭外懷古

兩月未出似過懶長風吹衣秋颯然石床兀坐晝呼酒
山雨忽來雲滿川對對水鷗自領畧纍纍瓜瓞相鈎連
塵區誰解破雜想細誦淵明歸來篇

漫成四首

極浦秋雲遶翠臯小窗涼日浸輕袍子雲枉道空言法

長吉無年敢命騷海甸尚聞驅虎旅書生猶自說龍韜
青山久已忘塵事不是蟠潛索價高

欲就真閒非避世苟堪容膝卽爲家能栽豈必誇陶菊
可食何須認邵瓜萬國炎雲空野馬一經草閣寄年華
高盟每憶風流輩竹裡還期駐鹿車

堦前鹿豕往來馴屋上岩巒碑兀新角綺有心終愛漢
桃源何事苦嫌秦蕭蕭木葉封蕪逕滾滾風濤壓石津
穩臥十年塵夢覺更無輪鞅起天民

幽庭佇倚獨從容忽見當簷箇箇峰蛩意送秋無限語
竹光籠月一千重殘花點石金留色老鶴依人玉有蹤
深夜幾家猶痛哭殊恩何日起疎慵

歲暮草堂述懷二十二韻

汨汨歲云暮寥寥憂尚煎祗應心太古豈復恨流年德
重彌瞻仰功成熟後先聖賢含釋道廊廟寄林泉一氣
常融液諸生幸勉旃經窮楊子宅力竭鹿門田業已從
謀拙資難借義捐不才徒老矣得醉卽怡然師擅三人
益神遺一字鐫岐塗豺虎紊宇宙網羅懸泛泛鷺鷥盆
依依婚嫁牽浮光凋迅序陋室結閒緣竹逕破雲屐松
厨生午煙靜維同邵坐清亦愛袁眠敢恃丹砂幻還持
竹栢堅齡知增逸達跡豈越周旋白骨新傳檄金貂勇
着鞭百憂宵旰急深窺壑淵憐悃乞恩光溥平期賦役
蠲爆聲寒臘盡春意煖梅傳卽見芳姿茁均承雨露偏

石西集卷二
三
夤緣莫惆悵
華鼎且留連

石西集卷二終

石西集卷三

祁門汪子祐受夫著

同族後學耀麟叔定選輯
五世孫宗豫武山校梓

詩

戊午年

計六十二首
選二十三首

對雨懷諸子

連日陰雲鎖竹樓
風林坐濕獨鳴鳩
裁詩對酒不成醉
積雨看山都是愁
隴上暖梅應盡放
江干鼙鼓未全收
陽和已覺滄洲夢
肯負亭臺憶舊游

林臥簡廖汝周

買盡春陽日日酣
竹床茅屋臥江南
能追古道三爲益

久棄浮名七不堪已約石鐺烹古洞徐看桃浪浴深潭
高風信與高人愜錦岫珠林好駐驂

絕句

已報平倭勵憲臣更聞移校衛關津由來土軍甚於賊
白日沿途橫殺人

春暮遣懷

夢破驚時邁愁添督役頻年年勞戰伐處處泣艱辛每
恐郊生馬徒憐狩獲麟物華容易擲側目倚殘春

絕句五首

惜貌年難挽羞言淚欲吞洞房深幾許何日拜君恩
鈎簾蕩曉風醉蕊襯春紅薄命嫌顏色胡爲瞋盡工

拂鏡都成夢開奩半是愁可憐雙鳳侶空對玉釵頭
連日雨漫漫妝殘倚畫欄並花徒自媚淚眼不須看
紫燕風前幕黃鸝雨後枝飛鳴無限意恨不是佳期

郊望

村村夏獲石鱗肥獨坐苔磯對翠微物外幾人同眺笑
閒中有客自忘機昏昏歲月雙蓬鬢落落乾坤一布衣
北望景雲流絕巘未應長飽故山薇

東臺席上觀妓

錦榻聯高館涼飈灑醉筵翠雲團玉鳳珠露蹴金蓮細
插黃花瘦輕迴彩袖翩豔姚雖有色猶自愧人憐

遣懷五首

金風鼓樹秋將半玉露橫堦暑欲消獨夜不辭螢案苦
長天空憶鴈書遙一元會極誰相問高尙違時肯見招
已破藩籬醒大夢溪山有句荅明朝

石林雲度翠依依兀坐高人翫化機敢爲辭章生羽翼
祇馮日月借光輝香浮碧碗醇醪美味壓新盤芋粒肥
回首風塵傷薄暮紫苔覆逕亂鴉飛

秋來日日閉柴門裹足高眠自曉昏屈子有情終繼頌
賈生多淚却從藩飄飄一鶴凌霄迥寂寂雙峰到几尊
僊錄陰符形體外菊松三逕未須論

驚人氣度渾虛夢曠世功名一草茅山水百年畱勝蹟
弟兄四海盡賢交狂知靖節真謀醉靜愛庖羲細認爻

底事浮生空白眼紛紛啄雀亂篁梢

北來天使耀華旌南下三吳尙縱橫白骨可憐藏赤子
將軍何事笑談兵雲封古峽看蛟舞日擁崇臺聽鳳鳴
不是腐儒耽隱癖萬峰深處可延生

古意四首簡諸子

天風吹碧梧微雲生早寒披襟豁洞思沉冥頗相干白
壁棄時易黃金逢世難如何同懷人倒置錯履冠遂使
寸心違蹉跎猶盤桓競趨戒躓踣恬休膺妥妥安空谷謝
垢紛而能叢芝蘭申言寫悃曲念念青雲端

青雲渺可尋寥寥傷客心卷舒有時來倏忽成蒼林光
凝葉有色夢足鳥多音竭來討奇蹤對之可幽吟劇意

悼往昔嘉盟虛寸陰美人阻殊方關河曷且深曷以暢
忡鬱因之托鳴琴

鳴琴坐高堂四顧絕知己上絃不成章節奏胡乖理回
颺攪竹松亂雨灑榛杞會音杳無聞夢化子期子撫徽
發長嘆眼底蒼霧起術悟精可鑒譽懸質不死誰能致
樽罍爲我招極始千古破惛惛一笑該彼此

彼此良可惜空言竟何爲末路趨西頽望望含酸悲碩
器韞瑚璉遂屯須其時不以委而吝真知艱亦宜百年
徒有極千里不畱思古陌鳴蒿里青山滋藿葵歸歟復
歸歟天榮今在茲

過善和里拜和溪先生墓

十年不見程廉憲此日封坐獨謁君却笑山中行木客
應知地下隱斯文清溪白石盤名里翠竹丹楓亂夕曛
回首北城空悵望五峰深擁萬重雲

對酒寄淮揚黃芝山

霜意連朝懶出關浮光暫借一冬閒銜盃弄日酒中酒
啓戶看雲山上山愛竹欲同堅節操茹芝應有好容顏
青林白社遙相憶命駕何妨海路艱

謝耕雲歸自維揚

隔年憶別牽愁緒杪歲歸來得友生海上風濤時入夢
山中木石更多情窮搜宇宙詩猶在醉老煙霞世不爭
若道狂夫狂愈甚真狂浪得半生名

已未年

計六十二首
選十六首

郭外

出郭尋春春正晴穿林聽鳥鳥多聲人家半在竹邊住
客子獨從溪上行映日杏桃元自媚浮波鷗鷺本無爭
流光易擲須謀醉轉眼風塵霧滿城

東門行

曉出城東門東風蕩寒曦東郊之塚何纍纍杜鵑啼血
聲正悲封碑斷碣空何爲千秋萬古知伊誰冥冥不語
生還思白眼紛紛盡路岐頽陽西沒水東馳泯泯無聞
杳所之千錢萬錢付醕醢載歌載舞從人嗤塞耳莫聽
丁令威神僊之人難與期

絕句三首

屋上橫嵐百尺濶堦前細篠碧成林閉門日日雨復雨
赤脚層冰何處心

抱病經旬絕外求藤床低小石林幽陰羸野馬總成夢
草色泉聲半是愁

點點南風拂古絃焚香靜對白雲篇已曾飽透五千字
誰道空過四十年

夏日二首

造道神元定游心俗不干石雲隨地有山水得人難着
會黍鳩杖玄叅愛鵬冠百年翻瞬息三逕且盤桓
蘚合錢封逕雲開繡擁樓玄邀周柱史達憶漢畱侯不

厭時時醉何營日日休還應來二仲莫負竹林游

草閣暑夜有懷

玉露蒼梧欲半秋波簾草閣慰淹留堦前碧月漏初靜
葉下哀蛩風正幽蔦薜向人猶作祟干戈滿地不勝愁
蓴鱸漫憶歸來好萬里滄浪待泛舟

秋日山村八首

山村絕隱僻曲磴入層雲怪鳥時常見幽嵐晝未分石
田盤古麓茆屋帶荒墳竟日無人語鷄埒對夕曛
葵心傾杲日菜甲點高畦石檜元非栢山渠却似溪懶
雲峰尚宿睡鳥午方啼好事如相問懸厓亦可梯
駕視引清泉經鉏破曉煙井田無定界耕鑿不知年飽

慰徵輸後貧將揖讓先市廛都莫問穩朴足高眠

畎畝超空界詩書入網羅碧醪黃獨社白石紫芝歌綽
綽裕如此營營劬若何一瓢容散逸軒冕不須過

覆逕蒼黃葉堆棚紫白花共居專五世聯戚只三家飫
食鮮宜芋衣裳細製麻笑歌憐小稔濁醴不須賒

市遠覺喧少林淡生早寒柿梨童子戲粟糲野人餐轍
覆何軒舉庭空自考槃流年忘甲子帝力藉遺安

碧線翻門柳金莖潤圃芝泉聲常濺石虎跡不過籬筱
兔餘三窟幽禽借一枝每耽風景別來往亦無期

幽棲自愛貧甕牖集良賓重霧翻疑雨輕煙不是塵松
蟠堦影合薜破石痕新豈必誇龐老於今更有人

庚申年

遺

辛酉年

計一百五十八首
選十首

移居

愚生役役何多事四十四年今始醒白墮竹林依白社
黃冠山閣對黃庭句中大雅曾鳴世天上少微元有星
賃屋未須嫌僻陋解嘲猶愛子雲亭

雜詩二首

卑榮有常分出處率坦途違方乖靈臺詭譎匪良圖不
以賤而妒翻令知者愚阮泣豈爲狂劉酣亦非迂荆榛
叢且蕃麟鳳饑欲癯遑遑何所止惻惻生辛吁

封塋何纍纍賢愚同一丘欲空榮辱境爲滌今古愁黃

金塵塗澤白骨橫林陬愴惶誰爲言縱橫安所求不罄
此日娛真貽百世羞松喬竟荒唐誰能追遨游

雨

漠漠繞琴臺冥冥昏未開一春常苦雨中夜復聞雷破
屋愁多濕潛蛟喜有媒四郊新水足農務會應催

清明寓尼原同胡勿齋胡莊山對雨

清明獨對尼原雨二老堪投卽是家青冢纍纍空奠紙
玉梨處處亂飛花山田菜麥春將暮草屋煙嵐日欲斜
極目敢應懷往事一樽且自戀芳華

初晴同諸子郊外

背郭輕雲纔斂霽散衣步履翫新晴偶來知己二三子

石門集卷三
七
恰過黃鸝四五聲細草離離迎日暖殘花點點傷人明
風塵莫謾勞生事著處芳巵好共傾

茅齋對雨遣興

宿霧輕雷行峽遲茅齋暑雨正霏霏青蠅不息從來往
白壁無勞較是非麥飯莧羹新漸熟鳴鷄鬪鴨小還肥
幽棲久已忘玄草欲就長生認化機

八月一日社

仲秋之朔秋欲半氣序其如度閏催五戊里壇雖報賽
重關鉄甲未招回玉梨紫栗時堪賞積雨頑雲晝不開
獨下小帷親典冊竹床茶竈亦嘉陪

漫成

矮屋猶妨賃林幽亦可棲杪秋浮錦葉一筋飽黃鷄有
過勿憚改見賢思欲齊爲傳重九近萬丈耿丹梯

無成簡諸子

二毛疎散尙無成性外何求俗敢爭一事不知亦可耻
百年徒過寧爲情香涵繡帶圖書富煖布瑤林藥草生
浩蕩聖恩慚久負聊將朽句荅昇平

壬戌年遺



